

# **RAHSIA AL-QURAN -DARI SEGI ILMU DAN FALSAFAH**

## **BAHAYA JUDI DAN BENCANANYA**

Hukum haramnya berjudi dan bencananya telah diterangkan oleh Tuhan Azza wa Jalla di dalam firman-Nya ayat 129 Al-Baqarah dan 90-91 Al-Maidah sebagaimana yang telah dijelaskan dalam bilangan yang lalu. Berjudi ialah suatu perbuatan yang cemar dan hasilnya digunakan kepada sebarang kebajikan. Di dalam “tafsir al manar” tatkala menghuraikan soal judi maka Al-Alamah As-Syed Rasyid Ridha menulis; “ada pun hal keadaan dosa judi lebih besar daripad manfaatnya telah dijelaskan oleh Tuhan bahawa judi itu mewarisi permusuhan. melalikan daripada mengingati Allah dan daripada sembahyang selain daripada itu orang yang menang judi memakan harta orang ramai dengan jalan yang tidak halal, sedang yang demikian haram dngan nas Al-Quran Al-Ustaz Al-Imam Al-Syeikh Muhammad Abdurrahman telah menghuraikan bencana judi ini katanya; judi itu merosakkan masyarakat dan melatih seseorang penjudi kepada amalan dan tertunggu-tunggu akan rezeki (keuntungan) daripada suatu jalan yang penuh dengan waham (dan berangan-angan mati janin-p) yang tengannya akan tertinggal perusahaan negara yang menjadi rawakan kemakmuran seperti bercucuk tanam, bertukang dan berniaga, selain daripada merosakkan rumah tangga dan menjadikan seseorang penjudi itu berpindah dengan serta merta dari keadaan kaya raya kepada papa kedana.

## **LOTERI DAN ALIM ULAMA**

(Oleh Abdullah Basmeh)

Kerap kali terjadi apabila alim ulama menerangkan sesuatu masalah agama kepada orang-orang awam maka akan timbul golongan pengaju dan pengeliru merosakkan keterangan ulama yang telah tersiar itu dengan bertopengkan title-nya sebagai ahli agama atau dengan pengaruhnya sebagai seorang yang terkemuka lalu membidas buta tulis content-nya fatwa alim ulama itu sempit tidak sesuai dengan kemajuan zaman dan berbagai-bagai alasan yang mengabui mata orang ramai. Dengan adanya pertelingkahan yang tersebut maka perkara yang telah sorih haramnya dengan dalil kitab Allah dan sunnah Rasul-Nya akan berubah corak menurut pandangan awam kepada suatu masalah “khilafah” konon! Kerana ada ahli agama yang telah membantahnya. Meskipun golongan pembantah itu hanya sejumlah kecil yang bertopengkan iaitu yang berdegar-degar dan telah terpedaya supaya mendapat pujian dan diagung-agungkan oleh orang-orang yang jahil sebagai ulama yang progresif

yang fahaman luas dan sebagainya. Pada hal bantahan mereka hanya didasarkan kepada buah fikiran seolah-olahnya buah fikiran mereka boleh dijadikan panduan agam!

Tetapi hendaklah diketahui bahawa orang-orang Islam ramai yang berfikiran sehat tidak akan terpengaruh dan tidak akan dapat ditipu kerana telah menjadi undang-undang tabii bahawa perkara yang salah itu tidak akan dapat bertahan lama bahkan lambat bangat akan runtuh ranap!

Dalam masalah-masalah agama yang disebutkan itu ialah perkara loteri.

Meskipun perkara loteri telah jelas; hukuman haram dan cemar hasilnya, tetapi di negeri ini-sebagaimana di lain-lain negeri juga-ada golongan yang telah bersulut lalu menyokong supaya dilancarkan loteri di antara orang-orang Islam dengan cara yang sebesar-besarnya kerana hendak dikumpulkan hasilnya untuk kebajikan bangsa, dan ada pula yang berterus terang mengatakan di dalam Quran tidak tersebut kalimah “loteri” maka dengan itu

tidak boleh dihukumkan judi.

Kepada golongan mengakui loteri itu ialah sejenis judi yang diharamkan oleh syarak tetapi mereka terpaksa menjalankannya kerana darudart (konon) maka rasanya tidak payah dilanjutkan di sini tentang haramnya kerana mereka telah mengakuinya. Hanyasanya wajib diterangkan kepada mereka bahaw perbuatan mereka yang demikian telah menceroboh larangan Allah.

Sayoga dimenungkan: Soal seorang bermain judi ialah soal sahsiah tetapi mengajak suatu umat berjudi atau merasmikan judi di dalam masyarakat Islam adalah suatu perkara yang wajib ditentang oleh tiap-tiap orang yang berjiwa Islam. Suatu bangsa yang hendak dididik kepada berjudi tidak akan bangkit kerana jiwa perjuangannya yang sedang bertunas bermakna sahaja hendak dipatahkan! Tidak ada seorang penjudi yang telah selamat hendaknya. Percayalah sebagaimana judi itu biasanya menghancurkan masyarakat rumah tangga maka tidaklah syak lagi akan menghancurkan masyarakat bangsa dan negara. Akibatnya sejarah Pak Kaduk akan mengulangi jejak: Ayam sabungnya kalah kampungnya tergadai!

Kepada golongan yang mengatakan loteri itu elok dijalankan dan digunakan hasilnya kerana kebajikan bangsa demikian juga kepada golongan yang mengatakan loteri itu bukan sejenis judi dan tidak haram sebagaimana yang pernah kedengaran di dalam akhbar maka dipercaya golongan ini masih belum faham hukum-hukum Islam dan wajib diberi penerangan mudah mudahan mereka mendapat penjelasan dan rujuk kepada kebenaran.

Cara loteri yang dilancarkan oleh orang-orang zaman sekarang kerana bertujuan untuk maslahat dan kebajikan bangsa telah dijalankan oleh kaum jahiliah zaman dahulu dan bertujuan serupa itu juga. Tetapi loteri zaman dahulu dan loteri zaman sekarang telah diharamkan oleh syarak kerana tujuannya tidak ikhlas dan hanya berharapkan faedah diri sendiri.

Ulama-ulama Islam yang terkemuka telah membahaskan soal

loteri ini dengan panjang lebar dan khulasahnya loteri itu ialah judi yang diharamkan Tuhan. Semaklah kesimpulan huriahan yang disajikan dibawah ini:

Di dalam kitabnya “*Al-Ibda’ fi Mudar Al-Ibtida’*” fadhilat Al-Ustaz Al-Syiekh Ali Mahfuz – Guru “Kaum Al-Takhsas” di Azhar menulis:

“Loteri ialah judi yang diharamkan oleh Allah dan Rasul-Nya maka tidak harus bagi seorang membeli tiket loteri atau menjualnya, hasil yang didapat daripadanya ialah hasil yang terkeji yang tidak halal bagi orang yang mendapatnya menggunakan dia.”

Di dalam “Al-Manar” bilangan 2 tahun yang kedua balas Al-Alamah Al-Syed Rasyid Rida menulis:

‘*Al-yansibu min al qamar al maharam limafi ti min al dhorar al zahir fin al qamar ya shi’u malahu lituhum al ribah.*’  
‘Loteri ialah judi yang diharamkan dipandang kepada mudharatnya yang nyata oleh kerana penjudi itu memusnahkan hartanya semata-mata kerana keuntungan yang diwahamkan.’. (Maksudnya): kerana berangan-angangan keuntungan yang belum tentu dapatnya-p).

Di dalam halaman penuh majalah Nur Al-Islam (Majalah Al-Azhar) bilangan yang kelima tahun keenam Fadhilat Al-Ustaz Al-Syiekh Ibrahim Al-Jabali setelah menulis dengan panjang lebar menjelaskan loteri ialah sejenis judi yang haram maka ia telah memberi suatu kesimpulan:

“....Tuhan Azza wa Jalla telah menerangkan cara-cara yang menjadi galakan supaya orang ramai berderma kerana kebajikan dan kalau diikuti dengan sempurna nescaya kita akan terkaya daripada menjalankan loteri. Jelasnya: Barang yang halal itu jelas nyata dan barang yang haram itu jels nyata.”(tepuk dada tanya selera!-p)

Demikian juga madmun keterangan Al-Alamah Tuan Yusuf Ali (Pakistan) di dalam kitab Tafsir (Bahasa Inggeris) bahawa loteri itu ialah sejenis judi yang diharamkan (sambungan pada muka 46)